



Alliance Women Ministries

of The Hmong District of The Christian and Missionary Alliance

Mailing Address: 5142 Melody Lane, Kansas City, KS 66106

Email Address: awdirector@hmongdistrict.org

March 12, 2020

Fwm Txug Cov Thawjcoj Ntawm Txhua Pawg Namtsev,

Kuv nrug rua cov tsaavxwm ntawm KHN zoo sab tog txais txhua tug thawjcoj ntawm txhua pawg namtsev kws mej hlub Vaajtsv, nov hab teb Vaajtsv lub suab hu, hab txaus sab ca Vaajtsv siv mej lug coj cov namtsev huv pawgntseeg lawvle 2 Kevcai 11:13, "... Hlub tug Tsvv kws yog mej tug Vaajtsv, hab ua Nwg teg num kuas kawg sab kawg ntsws."

Ua Vaajtsv tsaug rua Nwg txuj moov hlub kws nrug ib tsoom vivncaug txhua tug nojqaab nyobzoo. Tsi nwm peb tub nyob rua lub Peb hlis (March) nraab lawm. Lub xyoo 2020 xab, peb suavdlawg nov ntau yaam txug tug kaab mob (Coronavirus), ua rua suavdlawg txhawj yuav laug npaum Y2K hab qee tug txhawj tshaaj ntawd los muaj. Ntau yim tsev tuabneeg npaaj ntau yaam khoom noj hab khoom siv nyob tsaam muaj kev cheemtsum. Tej yaam nuav ua rua peb xaav ntau yaam, hab xaav txug tej xwmtxheej kws Vaajlugkub qha. Tej yaam nuav ua rua kuas peb ncu ntsoov npaaj peb tug kheej hab tuav txuj kev ntseeg kuas peb muaj kev ruaj rua Vaajtsv, hab npaaj peb saab kev ntseeg ib yaam le peb npaaj tej khoom noj lossis khoom siv rua tej lub tsaam thawj zoo le nuav.

Nuav yog kuv thawj tsaab ntawv sau rua txhua pawg namtsev vim tsi tau suavdlawg cov ntawv tshaabxu txug cov tsaavxwm tshab hab cov email, txhaj le muaj kev tu ncu txug kev txuas lug (connect) ntawm KHN rua txhua pawg namtsev.

Muaj qee tug thawj namtsev xyoo 2019 tau txais tsaab ntawv nuav, rua qhov KHN tsi tau txais pawg namtsev dlaim ntawv tshaabxu cov tsaavxwm tshab. Thaus koj tau txais tsaab ntawv nuav, thov koj paab muab rua tug thawj namtsev xyoo 2020 hab muab tshaaj tawm lossis qha rua cov namtsev/vivncaug suavdlawg paub txug qee yaam dlejnum xwsle:

1. Lub 12 hlis kuv tub sau ntawv rua cov pawg namtsev txug kev tshaabxu rua KHN lawm. Tabsis yog tshuav pawg namtsev twg tsi tau xaa mej cov ntawv tshaabxu cov tsaavxwm tshab hab dlaim ntawv tshaabxu txwmxyoo (Annual Report), thov mej muab xaa sai moog rua N. Kx. Zoov Ntxhees. Ob dlaim ntawv (form) ntawd muab xaa tuaj uake nrug tsaab ntawv nuav.
2. KHN xaav txhawb cov namtsev hluas/ntxhais rua phaab kev ua thawjcoj. Yog le ntawd, xyoo 2020 nuav KHN yuav paab nyaj (scholarship) rua ob tug namtsev/ntxhais (quaspuj-woman) moog koom KHNQS lub rooj saablaaj txwmxyoo rua lub June 1-2, 2020 nyob rua Colorado Springs.

Lub 12 hlis kuv tub sau ntawv rua cov pawg namtsev qha txug hastas, tug kws npaaj sab moog koom yuav tau sau npe rua dlaim ntawv (application) hab muab xaa moog rua KHN tsi pub dlhau lub January 31, 2020. Tabsis tsuas muaj ib tug xaa tuaj xwb. Yog le ntawd, KHN

muab lub sijhawm ncu (extended) moog rua April 10, 2020. Yog leejtwg npaaj sab moog, thov muab dlaim ntawv sau npe (application) kws xaa tuaj uake nrug tsaab ntawv nuav ua hab xaa moog rua KHN tsi pub dlhau April 10, 2020. Yog dlhau lub sijhawm nuav lawd, muaj pistsawg dlaim ntawv tuaj, KHN yuav muab cov npe ntawd lug saib hab xaiv lawm xwb (will be viewed and considered).

3. Dlejnum:

- a. KHN npaaj muaj ob lub rooj txhawbsab rua lub August/September nyob rua cheebtsaam 1, kws yog Oregon hab lub October nyob cheebtsaam 7, kws yog Michigan. Maam le qha rua suavdlawg paub ntxiv.
- b. KHN tsi npaaj kev cobqha rua cov namtsev lawm, tabsis yuav koom nrug HKM kev cobqha lawvle cov cheebtsaam kws HKM npaaj. Maam le qha suavdlawg paub ntxiv.
- c. Txhua nub thaus 8:20pm, txawm yog koj nyob qhov twg hab ua dlaabtsi, los thov koj hab txhua tug namtsev/vivncaug ncu ntsoov muab le kws 2-3 feeb (minutes) thov Vaajtswv rua txhua phaab dlejnum ntawm KHM, KHT & KHN kev ua Vaajtswv dlejnum kuas txhua yaam moog zoo hab lawvle Vaajtswv dlejsab.

4. Nyajtxag paab rua KHN:

KHN lub homphaj nyaj komtseg rua xyoo 2020 yog \$94,100. Txhua yaam nyaj ua Vaajtswv dlejnum nyob rua huv KHN yog lug ntawm txhua pawg namtsev hab cov namtsev/vivncaug suavdlawg xwb. Yog le ntawd, thov pawg namtsev kom nyaj dlha dlejnum nyob rua huv pawg namtsev paab rua KHN xwsle:

- a. Kom lossis npaaj nyaj sabdlawb ntawm pawg namtsev moog rua KHN. Nyob ntawm pawg namtsev yuav npaaj lecaag hab pistsawg los tau.
- b. Nyaj 1/10 (10%) ntawm cov nyaj fij lossis sau tau (offering) hab ntawm cov nyaj sabdlawb (donation) kws cov namtsev muab rua pawg namtsev dlha dlejnum huv pawg namtsev moog rua KHN.
- c. Nyaj poom ntsev, tsi yog xaa rua KHNQS, yog xaa rua KHN ntawm HKM.

5. Xyoo nuav KHN npaaj yuav rov qaab nyeem phoo Vaajlugkub tshab kuas taag rua 10 lub hlis. Yog leejtwg txaus sab koomteg nyeem Vaajlugkub uake nrug lwm tug, thov mej moog saib dlaim ntawv qha nubtim (calendar) nyob rua huv KHN qhov vaagsaab (website), hab nyeem lawvle teev tseg rua ntawd. Ntau tug tub nyeem phoo Vaajlugkub tshab ntau lwm lawm, tabsis yog nwg nyeem uake nrug lwm tug kuj yog ib qhov zoo rua qhov suavdlawg yeej nyeem Vaajlugkub txhua nub.

6. Rooj saablaaj txwmxyoo

- a. Ib pawg namtsev twg xaa tau 3 leeg sawvcev pawg namtsev moog koom KHN rooj saablaaj txwmxyoo. Yog pawg namtsev muaj 50-100 leej, muaj cai xaa ib tug ntxiv (yog 4 leeg). Tom qaab ntawd, txhua txhua 100 leej namtsev twg, muaj cai xaa ib leeg ntxiv (yog 5 leeg).
- b. Ncu ntsoov sau npe (register) rua rooj saablaaj lawvle HKM tau npaaj tseg rua cov pawgntseeg. Lub hotel muaj tsheb thauj suavdlawg moog lug ntawm tshaav dlaav hlau rua ntawm chawpw lossis hotel dlawb xwb.
- c. KHM yuav muaj ib pluag mo tshwjxeeb (banquet) rua July 1 yaav tsaus ntuj. Tug nqe rua pluag mo nuav muab xam uake nrug cov nqe sau npe lawm.
- d. Xyoo nuav KHN muaj xaiv tug Lwm Thawj, tug Teevntawv, hab tug Tsaavxwm (member-at-large).

- e. Xyoo nuav KHN npaaj muaj Silent Auction lug paab rua HKM lub rooj cobqha nyob Israel rua xyoo 2021. Cov nyaj nuav yuav muab rua HKM paab cov nam xwbfbw. Yog le ntawd, thov nqua hu txhua pawg namtsev npaaj ib yaam khoom sawvcev pawg namtsev nqa tuaj rua KHN ua silent auction lub sijhawm rooj saablaaj txwmxyoo. Tsi taag le ntawd, thov pawg namtsev nqua hu rua cov namtsev/vivncaug huv pawgntseeg, yog muaj tej tug namtsev xaav npaaj tej yaam ntawm nwg tug kheej paab ntxiv rua qhov silent auction nuav los tau.

Has txug cov khoom: Npaaj yaam khoom dlaabtsi los tau, tabsis npaaj tej yaam kws tsimnyog. Yog hastas tau, thov npaaj yaam khoom tshab. Tabsis yog muaj tej yaam khoom qub mivntsiv los tau, tsuav yog yaam kws tseem zoo hab tseem siv tau (lightly used in good condition).

- f. Xyoo nuav Koomhum Txivtsev hab Koomhum Namtsev yuav muaj ib lub rooj kawm (workshop) uake. Maam qha rua suavdlawg paub ntxiv.
 - g. KHN los yuav muaj kawm (workshop) lub sijhawm rooj saablaaj. Maam qha rua suavdlawg paub ntxiv.
7. Lub cim (logo) Tso Dlim, Tso Dim, Set Free muaj nyob rua huv KHN qhov vaagsaab. Pawg namtsev xaav siv los tau. Moog saib rua ntawm Resources > Media.
 8. Thov qha hab nqua hu cov vivncaug suavdlawg paab moog saib, nyam, hab qha (visit, like, and share) KHN qhov Facebook page (Alliance Women Ministries of The Hmong District) rua suavdlawg. KHN muaj dlejnum hab lwm yaam tso tawm nyob rua huv KHN qhov vaagsaab hab Facebook.
 9. Thov cov pawg namtsev hab cov vivncaug suavdlawg ncu ntsoov thov Vaajtswv rua:
 - a. Rooj saablaaj txwmxyoo ntawm HKM, KHT, KHN kuas txhua yaam dlejnum hab kev xaivtsaa moog rua qhov zoo.
 - b. Cov kaab mob (coronavirus) kuas tuag moog, xob kis rua lwm tug ntxiv hab kuas tej tuabneeg txawj ntse lossis kws khu mob nrhav tau tshuaj khu zoo.
 10. Yog cov namtsev/vivncaug muaj tej yaam xaav kuas thov Vaajtswv rua, sau ntawv rua N. Txooj Vaj Muas kws yog tug tsaavxwm (member-at-large).

Thov txim kws kuv sau ntau heev, ua rua suavdlawg laaj nyeem hab laaj tshaaj tawm rua cov namtsev/vivncaug. Muaj dlejnum ntau yuav tau qha rua suavdlawg paub, txhaj le sau ntau.

Yaam twg tsi meej, nug cov tsaavxwm ntawm KHN tau. Thov Vaajtswv foom moov zoo rua suavdlawg.

Tso Dlim Lug Koomteg Ua Vaajtswv Dlejnum Uake Lawvle Raug Hu,

N. Ntxhi P. Thoj

N. Ntxhi Pov Thoj - Thawj Tsaavxwm KHN
cc: Cov Tsaavxwm KHN